

ongowe gaa-gitaadziwaad dago ongo gaa-gashkitoosliwaad ngwaji ji-izhaawaad. Onoonde-gikendaanaawaa aaniin midaaching midaaswaak waakaa'igan gaa-onji giizhitoosigwaa ambe ani-baataniinowag anishinaabeg. Giiwed'nong gaye noondesewag nisimidana ashi naanan daawaak waakaa'iganan. (Ezhibii'igaadeg 3)

Ji-izhichigengiban 6

Zhemaak Gichi-ogimaa onlgaanii-ogimaakaan ji-ganawaabandangobanen gakina gegoo jlbwaa miinaad Anishinaabe odanokilwin. Minawaa ikidowag lngi camitii gaawiin memwenj Anishinaabeg ji-ayawaawaad awiyan ji-onji-naagaji'igowaad. Nawaj ji-gagwedwewaapan giishpin Gichi-ogimaa ji-gaganooaapan awiyawa gaa-anokiinid zhooniyaawigamigong. (Ezhibii'igaadeg 4)

Ji-izhichigengiban 7

Camitii onoonde-gikendaanaawaa aaniin wenji maamaanzhish dazhiikigaadogin Anishinaabeg owaakaa'iganimiwaan. Anishinaabeg gewiinawaa ji-gi-ayaawaapan niibi, miiziwigamig, ngoji ji-webinigaawaapan jlgayii owaakaa'iganimiwaang. Apooshke gaye ji-gii-ozhitawindwaapan waakaa'igan ji-oke-aataawegaadegobanen giishkpin zakidenigin owaakaa'iganimaan. (Ezhibii'igaadeg 2)

Ji-izhichigengiban 8

Camitii onoonde-wiindamawaawaan Gichi-ogimaan bakaan Anishinaabeg izhi-bimtwawaad. Ji-gi-ayaamagak ji-izhichigengiban aaniin igu ezhi-nandawendamowaad ji-izhi-ozhichigaadenigin owaakaa'iganimiwaan. Winawaa aaniish oga-aabiitaanaawaa. (ezhibii'igaadeg 3)

Ji-izhichigengiban 9

Camitii ongowe onandawendaanaawaa ji-gikendaminid Gichi-ogimaan liwe Anishinaabeg gaa-nandawendamowaad. wiinawaa eta Anishinaabeg otaa-gikendaanaawaa aaniin ge-izhi-ozhichigaadegibanen owaakaa'iganimiwaan. (Ezhibii'igaadeg 3)

Ji-izhichigengiban 10

Apii Anishinaabeg miinindwaa winawaa ji-ganawaabandamowaapan Owaakaa'igani-izhichigewin, ongowe CMHC oga-widanokiimaawaa Anishinaabeg anokaadamowaad iwe. Ji-gagwe izhichigengiban ji-gikendamowaad bakaan gewiinawaa Anishinaabeg izhitwaawaad. Ongowe Urban Native Non-profit Housing Programs odizhichigewiniwaa ji-aabajichigaadegiban apii maajitoowaad Anishinaabeg wii-anokaadamowaad liwe Owaakaa'igani-izhichigewin. Geyaabi awashime Anishinaabeg ji-gi-ayaawaapan ji-anokiwaapan imaa Rural and Native Housing gaa-izhinkaadeg. Nawaj gaye geyaabi awashime ji-miinindwaapan gegoowan imaa ji-onji-ganawaabandamowaapan. (Ezhibii'igaadeg 4)

Ji-izhichigengiban 11

Camitii ongowe onandawendaanaawaa nawaj ji-wenjiitoowaapan Anishinaabeg ji-adaawewaad waakaa'iganan miziwe. Ji-izhisigobanen Anishinaabeg ji-wijiwiindwaa wii-adaawewaad Anishinaabe Zhooniyaawigamigong onji. (Ezhibii'igaadeg 4)